



## LABANK SANTRAL SESEL

Bwat Postal 701, Viktorya, Sesel

Tel: (248) 4 282 000; Fax: (248) 4 226 104

Sitweb: [www.cbs.sc](http://www.cbs.sc)

---

### KOMINIKE LAPRES

*Viktorya - Septanm 16, 2024*

#### **Labank Santral i lans sondaz lo lekspektasyon piblik lo bann endikater finansyel**

Labank Santral in ozordi lans son 'Financial Indicators Expectations Survey' pour bann lakour. Sa i en sondaz ki annan pour bi ranmas lenformasyon lo lekspektasyon piblik lo serten endikater finansyel pour sa prosen trwa mwan a senk an. Bann endikater ki ganny konsidere dan sa sondaz i relye avek nivo pri, to lentere, to lesanz, sanzman dan aktivite ekonomik, saler, ensi ki akse avek bann fasilite kredi.

Sa sondaz i ranplas 'Consumer Confidence and Expectation Survey', ki ti ganny lanse an 2013. Lenformasyon ki pour ganny ranmase atraver sa sondaz pour bann lakour pour ganny konsidere ansanm avek lenformasyon ki ganny kolekte atraver sondaz ki deza pe ganny fer pour sekter banker, ki ansanm a ede konplimant lezot statistik ki Labank Santral i servi pour fer bann analiz. Sa sondaz pour ganny fer de fwa par an, par mwayen nimerik, kot piblik pour kapab partisipe lo en baz anonim. Rezilta pour ganny pibliye lo sitweb Labank Santral lo en baz zeneral apre ki tou bann lenformasyon i ganny groupe, pour asir konfidansyalite bann repons.

Manm piblik ki anvii partisip dan sondaz ki pou ganny fer sa lannen i annan ziska le 16 Oktob 2024 pour fer li atraver sa paz internet swivan: <https://forms.office.com/r/9manN1r3TF>.

Bann rezilta pour ganny pibliye lo sitweb Labank Santral le 30 Oktob, 2024 lo paz: <https://www.cbs.sc/Statistics/SOHouseholds.html>.

Partisipasyon manm piblik dan sa legzersis i tre enportan e Labank Santral i ankouraz tou dimoun pour partisipe. Pour plis lenformasyon, kontakte Labank Santral atraver imel lo sa ladres swivan: [statistics@cbs.sc](mailto:statistics@cbs.sc).